

ليه تخاصمني



ياحبيبي ليه تخاصمني
واندهلك تبعد عني

ياشاغلني بسحر عنيك
باتمنى تقرب مني

تعالالي وطفى لهيبي
ليه تمشي بعيد وتسيبني

أنا قلبي كثير مشتاقلك
لو أبعد لحظة يجيبي

وأبات الليل أحلم بك
ماهو سهم غرامك صابني

ياحبيبي ليه تخاصمني
واندهلك تبعد عني

ياجميل الروح والبسمة
وتهل كأنك نسمة

باتمنى اسمع لو كلمة
أو تهمس ليا بهمسة

أو إيدك تلمس إيدى
تلاقيني أدوب من لمسة

لو تنسى ف لحظة خصامك
راح اقيد ف صوابي الخمسة

واخذك في سفينة حبي
والقلب يكون لك مرسى

ياحبيبي ليه تخاصمني
وانده لك تبعد عني

إياك تفضل على عندك
دا بعادك عني تاعبني

والنار ف القلب بتكوي
وعذاب الشوق يغلبني

والله انا لسه شاريك
إياك تغط وتبيعني

ياحبيبي ليه تخاصمني
وانده لك تبعد عني